

## ACTA DA SESIÓN EXTRAORDINARIA DO CONCELLO PLENO DO 08.07.2019

No salón de sesións da Casa Consistorial do Concello de Fene, A Coruña, cando son as 09.33 h do 08.07.2019 e baixo a presidencia do alcalde Gumersindo Pedro Galego Feal, réunese, en primeira convocatoria, o Pleno do concello ao obxecto de realizar a sesión extraordinaria convocada para o día da data.

Asistiron os/as concelleiros/as:

Rocío Aurora Bértoa Puente, Tamara Miragaya López, José Andrés Serantes Panceiras, Juana Barro Couto, Juan José Franco Casal, Juventino José Trigo Rey, Alejandra Permuy Meizoso, Manuel Polo Gundín, Cristina García Moroño, Justo Martínez Ardá, María de los Ángeles Coira López, María del Mar Piñeiro Otero, Antón Lois Noceda Carballo, Marta Pereiro Calvo, Ana Basoa Rioboo e María Carmen Martínez Rodríguez

Secretaria:

Estefanía Manteiga Lamas

Interventora:

María Teresa Diz Alonso

A Presidencia, tras comprobar nos termos expostos que se dá o quórum legalmente esixido polo artigo 90.1 do Real decreto 2568/1986, de 28 de novembro, declara aberta a sesión e procede ao estudo e exame dos asuntos incluídos na orde do día da convocatoria.

### **1. Dación de conta das Resolucións da Alcaldía núm. 673, 678, 685, 687 e 689/2019**

Os concelleiros danse por informados.

### **2. Dación de conta da constitución dos grupos políticos, nomeamento de voceiros/as e determinacións das súas asignacións**

Consta no expediente a seguinte Proposta da alcaldía:

“PROPOSTA DA ALCALDÍA

#### **ASUNTO: CONSTITUCIÓN DOS GRUPOS POLÍTICOS E ASIGNACIÓNS**

Gumersindo Pedro Galego Feal, aos efectos de dar cumprimento ao disposto no artigo 25 ROF e disposicións concordantes dá conta ao Pleno da constitución dos seguintes grupos políticos municipais e os seus integrantes:

**1.- Grupo Municipal do Partido Popular:** Gumersindo Pedro Galego Feal, Rocío Aurora Bértoa Puente, Tamara Miragaya López, José Andrés Serantes Panceiras, Juana Barro Couto e Juan José Franco Casal.

Voceira: Rocío Aurora Bértoa Puente ; Suplente: Gumersindo Pedro Galego Feal

**2.- Grupo Municipal do Bloque Nacionalista Galego:** Juventino José Trigo Rey, Alejandra Permuy Meizoso, Manuel Polo Gundín, Cristina García Moroño, Justo Martínez Ardá e María de los Ángeles Coira López.

Voceiro: Juventino José Trigo Rey; Suplente: Alejandra Permuy Meizoso

**3.- Grupo Municipal Socialista do PSdeG-PSOE de Fene:** M<sup>a</sup> del Mar Piñeiro Otero, Antón Lois Noceda Carballo, Marta Pereiro Calvo e Ana Basoa Riobóo

Voceira: M<sup>a</sup> del Mar Piñeiro Otero; Suplente: Ana Basoa Riobóo

C.I.F.: P-1503600-G

(FECHA: 08/01/2020 14:56:00)

Gumersindo Pedro Galego Feal

(FECHA: 08/01/2020 14:43:00)

Estefanía Manteiga Lamas

Versión imprimible

CVD: lcYfIPGGzk+AaPawUtIs  
Verificable en la Sede Electrónica del Organismo.

**4.-Grupo Mixto:** María Carmen Martínez Rodríguez

Así mesmo propoño ao Pleno da corporación a adopción do seguinte  
ACORDO:

1.- Determinar as seguintes asignacións mensuais aos grupos políticos:

172,46 euros por grupo/mes máis 72 euros por cada concelleiro/a integrante do grupo político/mes

2.- De conformidade co establecido no artigo 73.3 LBRL, no que se establece que os grupos políticos levarán unha contabilidade específica da dotación asignada a eles e que porán a disposición do pleno sempre que lle pida, o pleno da corporación asume a fiscalización das devanditas asignacións económicas.

En todo caso, no mes de maio de cada ano poñerase a disposición da Intervención municipal para a súa fiscalización a documentación do exercicio anterior. Esta documentación consistirá en:

1. Un libro rexistro, foliado e numerado e co selo do Concello, dos ingresos recibidos da Corporación e dos pagos realizados con cargo a ditos ingresos.
2. As facturas ou recibos que sirvan de soporte xustificativo dos gastos realizados.

Os límites a estes gastos están determinados pola LBRL ó indicar que debe tratarse de gastos de funcionamento e que, en ningún caso, poderán destinarse ó pago de retribucións ou de adquisición de bens de inversión, é dicir, activos fixos de carácter patrimonial.

A xustificación deberá efectuarse mediante declaración xurada do voceiro de cada un deles de ter destinado o importe percibido ós fins para os que se concedeu, sen prexuízo da obriga de presentar no mes de maio a documentación sinalada máis arriba.

O pagamento realizarse do modo seguinte: no mes de xaneiro adiantarase o 80% da cantidade asignada, debendo xustificar tal e como se indica no apartado anterior antes do 30 de decembro ante a Intervención de fondos do Concello para proceder ó aboamento do 20% restante.

Considerando os fundamentos de dereito que deben presidir a concesión e aplicación das aportacións municipais ós Grupos políticos que configuran a Corporación, e ante a indeterminación legal existente, no relativo ós criterios a considerar que gastos son susceptibles de ser financiados con cargo a ditas aportacións, é polo que o Pleno da Corporación, nun momento posterior e a través dunha normativa específica, fixará os criterios específicos para a xustificación destes fondos.

Asinado dixitalmente polo alcalde-presidente Gumersindo Pedro Galego Feal.”

O alcalde Gumersindo Pedro Galego Feal dá conta do contido do punto segundo.

O voceiro do Grupo Municipal do Bloque Nacionalista Galego, Juventino José Trigo Rey, toma a palabra dando a benvinda a todos os concelleiros e concelleiras e sinala que neste punto número 2, como xa expresaron na Xunta de Voceiros, non están de acordo coas asignacións que se traen ao ser excesiva a suba proposta como cantidade por número de concelleiros, co cal ou se retira o punto ou votarán en contra.

A voceira do Grupo Municipal Socialista do PSdeG-PSOE de Fene, M<sup>a</sup> del Mar Piñeiro Otero, en relación a este punto número 2, afirma que parece excesiva a asignación mensual aos grupos políticos, polo que solicitan que se retire este punto para poder seguir falando sobre o mesmo.

A voceira do Grupo Mixto, María Carmen Martínez Rodríguez, en referencia ás asignacións aos grupos políticos indica que ten outras propostas. Vendo que ao facer contas a diferenza anual coas asignacións existentes e as propostas é de 7.344 euros a maiores, fai dúas propostas diferentes: unha, unha suba anual de 1.321,92 euros e, outra, de 2.281,92 euros, que se non se aproba este punto, pasaría a meter por rexistro para que fosen valoradas xunto coas dos demais grupos e traer novamente a Pleno.

O alcalde Gumersindo Pedro Galego Feal propón deixar a Proposta de acordo de determinación de asignacións mensuais aos grupos políticos sobre a mesa.

C.I.F.: P-1503600-G

(FECHA: 08/01/2020 14:56:00)

Gumersindo Pedro Galego Feal

(FECHA: 08/01/2020 14:43:00)

Estefanía Manteiga Lamas

Versión imprimible

CVD: lcYfIPGGzk+AaPawUtIs  
Verificable en la Sede Electrónica del Organismo.

**Logo de analizar a Proposta de acordo, o Pleno acorda, en votación ordinaria e por unanimidade dos concelleiros presentes, deixar o asunto sobre a mesa para un mellor estudo.**

**3. Aprobación, se procede, da proposta da Alcaldía da determinación da periodicidade das sesións ordinarias do Pleno**

Consta no expediente a seguinte Proposta da alcaldía:

“PROPOSTA DA ALCALDÍA

O día 15 de xuño do 2019 constituíuse a Corporación municipal do Concello de Fene xurdida das eleccións municipais celebradas o 26 de maio do 2019.

O artigo 46.2 a da da Lei 7/1985, de 2 de abril e reguladora das bases do réxime local (BOE núm. 80, do 03-04-1985) e artigo 210.2 da Lei 5/1997, de 22 de xullo, de Administración local de Galicia (DOG núm. 149, de 5 de agosto) establecen que o Pleno da Corporación celebrará sesión ordinaria como mínimo cada dous meses e o artigo 24 do Regulamento orgánico do Concello de Fene ( B.O.P. da Coruña núm. 156 do 8 de xullo do 2008) establece que o Pleno celebrará sesión ordinaria coa periodicidade que estableza o Pleno da Corporación e que na sesión extraordinaria que se convocará dentro dos trinta días seguintes ó da sesión constitutiva da Corporación, a proposta do Alcalde/sa, o Pleno acordará o día e a hora na que se celebraran as sesións ordinarias, en primeira convocatoria e dous días despois, á mesma hora, en segunda.

Logo de ver canto antecede, no exercicio das competencias que me atribúe a lexislación vixente, propoño que o Pleno adopte o seguinte acordo:

As sesións ordinarias do Pleno da Corporación do Concello de Fene terán carácter mensual, celebrándose as sesións o primeiro xoves de cada mes ás 18.00 horas. No suposto de que o día prefixado fose festivo ou inhábil, celebrarase a sesión co mesmo carácter de ordinaria o inmediato hábil anterior.

Asinado dixitalmente polo alcalde-presidente Gumersindo Pedro Galego Feal.”

O voceiro do Grupo Municipal do Bloque Nacionalista Galego, Juventino José Trigo Rey, toma a palabra para dicir que se van a abster neste punto para facilitar a aprobación da proposta.

A voceira do Grupo Municipal Socialista do PSdeG-PSOE de Fene, M<sup>a</sup> del Mar Piñeiro Otero en relación a este punto número 3, manifesta a vontade de votar a favor, indicando que, tal e como se falou na reunión, dalles igual que os Plenos sexan ás 17.00 ou ás 18.00 horas.

A voceira do Grupo Mixto, María Carmen Martínez Rodríguez, tamén manifesta a intención de absterse.

**Sometido o asunto a votación foi aprobado por maioría absoluta logo de obter 10 votos a favor (6 do grupo municipal do PP e 4 do grupo municipal Socialista) e 7 abstencións (6 do grupo municipal do BNG e 1 do grupo Mixto municipal).**

Á vista do resultado da votación, o Pleno acorda:

**As sesións ordinarias do Pleno da Corporación do Concello de Fene terán carácter mensual, celebrándose as sesións o primeiro xoves de cada mes ás 18.00 horas. No suposto de que o día prefixado fose festivo ou inhábil, celebrarase a sesión co mesmo carácter de ordinaria o inmediato hábil anterior.**

**4. Aprobación, se procede, da proposta da Alcaldía da creación, composición e periodicidade das Comisións Informativas permanentes**

Consta no expediente a seguinte Proposta da Alcaldía:

“PROPOSTA DA ALCALDÍA

Asunto: Creación das comisións informativas permanentes

C.I.F.: P-1503600-G

CVD: lcYfIPGGzk+AaPawUtIs  
Verificable en la Sede Electrónica del Organismo.

FIRMADO POR Estefanía Manteiga Lamas (FECHA: 08/01/2020 14:43:00) , Gumersindo Pedro Galego Feal (FECHA: 08/01/2020 14:56:00)

Versión imprimible

O día 15 de xuño do 2019 constituíuse a Corporación municipal do Concello de Fene xurdida das eleccións municipais celebradas o 26 de maio do 2019.

O artigo 20.1 c) da Lei 7/1985, de 2 de abril e reguladora das bases do réxime local (BOE núm. 80, do 03-04-1985) e 68 da Lei 5/1997, de 22 de xullo, de Administración local de Galicia (DOG núm. 149, de 5 de agosto) establecen que as comisións informativas deberán existir nos concellos de máis de 5000 habitantes necesariamente e que lle corresponde ao Pleno determinar o seu número e denominación a proposta da Alcaldía.

Logo de ver os artigos 45 e seguintes do Regulamento orgánico do Concello de Fene e 123 e seguintes do Real Decreto 2568/1986, do 28 de novembro (BOE número 305 do 22 de decembro do 1986), que aproba o Regulamento de organización, funcionamento e réxime xurídico das entidades locais.

Tendo en conta que cada Comisión estará integrada de forma que a súa composición se acomode á proporcionalidade existente entre os distintos grupos políticos municipais e concelleiros/as non adscritos representados na Corporación.

Logo de ver que a Comisión Especial de Contas, órgano necesario, poderá actuar como Comisión Informativa permanente para os asuntos relativos a economía e facenda da entidade.

Tendo en conta que por Resolución da Alcaldía 685/2019, do 2 de xullo, créanse as seguintes áreas do goberno municipal:

I Desenvolvemento Territorial e do Medio

II Organización, Seguridade e Dinamización económica

III Dinaminación social e Transparencia

Logo de ver todo o que antecede, propoño que o Pleno da Corporación acorde:

1º Crear tres Comisións Informativas Permanentes coa seguinte denominación:

I Comisión informativa de Desenvolvemento Territorial e do Medio

II Comisión informativa de Organización, Seguridade e Dinamización Económica

III Comisión informativa de Dinaminación Social e Transparencia

2º De conformidade có disposto nos artigos 20.1 e) e 116 da Lei 7/1985, de 2 de abril, reguladora das bases do réxime local e 51 do Regulamento orgánico do Concello de Fene créase a Comisión especial de Contas.

3º A Comisión especial de Contas terá as competencias previstas no artigo 116 da lei 7/1985, de 2 de abril, reguladora das bases do Réxime local e no artigo 51 do Regulamento orgánico municipal.

As Comisións informativas terán as competencias que sinala o artigo 20.1 c) da Lei 7/1985 de 2 de abril e 51 do Regulamento orgánico municipal e ditaminarán sobre as materias e asuntos relacionados coas materias asignadas a cada área na Resolución da Alcaldía 685/2019, sen prexuízo de que no caso de que algún asunto non teña un encaixe claro nalgunha comisión en función das materias que teña asignadas ou por razóns de urxencia ou organizativas, tratarase na Comisión Informativa de Organización, Seguridade e Dinamización Económica.

4º As Comisións Informativas estarán compostas por (ademais do alcalde-presidente, membro nato das comisións ex lege, sen prexuízo de que delegue nalgún do/as concelleiro/as que pertencen á comisión, a proposta feita no seu seo):

- Tres (3) representantes do Grupo político do Partido Popular do Concello de Fene
- Tres (3) representantes do Grupo político do Bloque Nacionalista Galego
- Dous (2) representantes do Grupo político Socialista do PSdeG-PSOE de Fene
- Un (1) representante do Grupo mixto

C.I.F.: P-1503600-G

CVD: lcYfIPGGzK+AaPawUtIs  
Verificable en la Sede Electrónica del Organismo.

- A Comisión Especial de Contas estará formada polos membros da Comisión Informativa de Dinamización Económica

5º As Comisións informativas permanentes celebrarán sesión ordinaria con periodicidade mensual nas datas e horas que respectivamente se establece:

I Comisión informativa de Desenvolvemento Territorial e do Medio: o martes da semana anterior á semana na que se celebre o Pleno ordinario do correspondente mes ás 16.00 horas.

II Comisión informativa de Organización, Seguridade e Dinamización Económica: o martes da semana anterior á semana na que se celebre o Pleno ordinario do correspondente mes ás 16.30 horas.

III Comisión especial de Dinamización Social e Transparencia: o martes da semana anterior á semana na que se celebre o Pleno ordinario do correspondente mes ás 17.00 horas.

V A Comisión especial de contas reunirse cando sexa convocada pola Presidencia

VI No caso de que no mes que proceda non haxa asuntos a incluír na orde do día das sesións ordinarias das Comisións Informativas de Desenvolvemento Territorial e do Medio e Dinamización Social e Transparencia que requiran ditame do Pleno municipal, a alcaldía poderá non convocar as sesións ordinarias de calquera destas comisións e trasladar a aprobación dos borradores das actas pendentes á sesión ordinaria da Comisión informativa de Organización, Seguridade e Dinamización Económica que corresponda convocar.

VII As Comisións Informativas axustarán o seu funcionamento ao disposto nos artigos 53 e seguintes do Regulamento orgánico municipal.

6º A adscrición concreta a cada Comisión dos membros da Corporación que deban formar parte da mesma en representación de cada grupo, realizarase mediante escrito da voceiría de cada grupo dirixido á Alcaldía, do que se dará conta ao Pleno, podendo designarse un suplente por cada titular.

Asinado dixitalmente polo alcalde-presidente Gumersindo Pedro Galego Feal.”

O voceiro do Grupo Municipal do Bloque Nacionalista Galego, Juventino José Trigo Rey, fai uso da palabra para dicir que en relación a este punto van solicitar o mesmo que no punto primeiro, é dicir que se retire este punto e tentar negociar novamente, xa que están en contra de reducir comisións e neste momento no concello non hai maiorías absolutas co cal as comisións van ter que dar conta de bastantes asuntos. Tamén di que as comisións informativas son para dar contas e informar, e establecendo unha duración de só 30 minutos poucas dacións se poden dar e poucas preguntas se poden facer por parte da oposición.

A voceira do Grupo Municipal Socialista do PSdeG-PSOE de Fene, Mª del Mar Piñeiro Otero, en relación a este punto número 4, manifesta a solicitude feita de que o horario fora de tarde e cre que se deberían manter as mesmas comisións que ata agora por transparencia. Engade que non está de acordo coa previsión de que o goberno teña a potestade para convocar ou non convocar determinadas comisións se non hai temas para ditaminar.

A voceira do Grupo Mixto, María Carmen Martínez Rodríguez, manifesta a preferencia da realización de todas as comisións polas mañás, xa que é o horario da administración, aínda que se adaptarían se a decisión fora polas tardes. En relación ás asignacións, o que vén no documento non é o que se falou, xa que se quedou en vinte e cinco euros por sesión e un máximo de dúas e non se reflicte no asunto.

O alcalde Gumersindo Pedro Galego Feal, toma a palabra novamente para explicar á voceira do Grupo Mixto que aínda que nun principio se falou diso, poderíase facer se se fixesen en días distintos pero ao propoñer nun só día a indemnización por gastos só cobre unha sesión, motivo polo que se cambiou.

**Á vista das opinións manifestadas, o alcalde propón deixar o asunto sobre a mesa. Á vista da dita Proposta, o Pleno acorda, en votación ordinaria e por unanimidade dos concelleiros presentes, deixar o asunto sobre a mesa para un mellor estudo.**

**5. Aprobación, se procede, da proposta da Alcaldía da determinación dos concelleiros que exercerán os seus cargos con dedicación, réxime de asistencias dos membros da Corporación e fixación do réxime de indemnizacións por gastos efectivos ocasionados no exercicio do cargo**

C.I.F.: P-1503600-G

CVD: lcYfIPGGzk+AaPawUtIs  
Verificable en la Sede Electrónica del Organismo.

Consta no expediente a seguinte Proposta da alcaldía:

“PROPOSTA DA ALCALDÍA

Asunto: determinación do/as concelleiro/as que exercerán os seus cargos con dedicacións, réxime de asistencias dos membros da Corporación e fixación do réxime de indemnizacións por gastos efectivos ocasionados no exercicio do cargo.

O volume de servizos, actividades e expedientes de diversa natureza nesta Corporación fan necesarios, para o seu adecuado seguimento e atención específica, que diversos membros do goberno desempeñen o seu cargo neste mandato corporativo en réxime de dedicación exclusiva e parcial.

En efecto, corresponde ó Pleno, a proposta do Presidente, e dentro da consignación global a tal fin contida no orzamento, determinar a relación de cargos da Corporación que poderán desenvolverse en réxime de dedicación exclusiva e parcial e, polo tanto, con dereito a retribución, así como as contías que correspondan en atención ó seu grado de responsabilidade e adicación (art. 75.2 da LRRL e 13.4 ROF).

Merece especial mención a Lei 27/2013, de 27 de decembro, de racionalización e sostibilidade da administración local que supuxo unha importante revisión do estatuto xurídico da Administración Local fixándose como obxectivos, entre outros, o de racionalizar a estrutura organizativa da Administración Local de acordo cos principios de eficiencia, estabilidade e sostibilidade financeira e neste sentido, introduce unha relevante modificación na Lei de Bases de Réxime Local, en concreto, introduce os artigos 75 bis e 75 ter. O primeiro, limita as retribucións máximas dos membros da Corporación Local e o segundo o número de cargos públicos con adicación exclusiva.

Así mesmo debe terse en conta o previsto no artigo 18 do Real Decreto-Lei 24/2018, de 21 de decembro, polo que se aproban medidas urxentes en materia de retribucións no ámbito do sector público:

“**Artículo 18** Régimen retributivo de los miembros de las Corporaciones Locales

**Uno.** De conformidad con lo previsto en el artículo 75 bis de la Ley 7/1985, de 2 de abril, reguladora de las Bases del Régimen Local, según la redacción dada por la Ley 27/2013, de 27 de diciembre, de racionalización y sostenibilidad de la Administración Local, y considerando lo dispuesto en el artículo 4 del presente real decreto-ley, el límite máximo total que pueden percibir los miembros de las Corporaciones Locales por todos los conceptos retributivos y asistencias, excluidos los trienios a los que, en su caso, tengan derecho aquellos funcionarios de carrera que se encuentren en situación de servicios especiales, será el que se recoge a continuación, atendiendo a su población:

Habitantes	Referencia - Euros
Más de 500.000	106.130,60
300.001 a 500.000	95.517,54
150.001 a 300.000	84.904,46
75.001 a 150.000	79.598,46
50.001 a 75.000	68.985,42
20.001 a 50.000	58.372,36

C.I.F.: P-1503600-G

CVD: lcyfifGGzK+AaPawUtIs  
Verificable en la Sede Electrónica del Organismo.

Habitantes	Referencia - Euros
10.001 a 20.000	53.065,30
5.001 a 10.000	47.759,30
1.000 a 5.000	42.452,24

En el caso de Corporaciones Locales de menos de 1.000 habitantes, resultará de aplicación la siguiente escala, atendiendo a su dedicación:

Dedicación	Referencia - Euros
Dedicación parcial al 75%.	31.839,20
Dedicación parcial al 50%.	23.348,55
Dedicación parcial al 25%.	15.920,13

C.I.F.: P-1503600-G

Considerando que a Lei de orzamentos xerais do Estado e o Real Decreto-Lei citado non determinaron todavía que límites retributivos teñen os cargos en réxime de dedicación parcial nos concellos maiores de 1.000 habitantes, cabería entender que para as entidades maiores de 1.000 habitantes, seguindo a nota explicativa do Ministerio de Administracións Públicas de 5 de marzo de 2014, que o límite máximo total que poderían percibir por todos os conceptos retributivos quen desempeñe o seu cargo en réxime de dedicación parcial, vén determinado pola aplicación da porcentaxe de dedicación parcial que corresponda á contía máxima de referencia por tramos de poboación prevista no párrafo primeiro da Disposición adicional 35ª da LPXE 2018 e o artigo 18 do Real Decreto-Lei 24/2018.

Dacordo con este novo marco legal, e tendo en conta as necesidades da Corporación municipal, faise necesario establecer os membros que, en atención ás funcións asignadas e responsabilidades asumidas, van a desempeñar o seu cargo en réxime de dedicación.

Asemade, é necesario adoptar medidas que garantan o correcto funcionamento dos grupos políticos para o cumprimento dos seus fins, no marco das posibilidades económicas desta Corporación.

Considerando o disposto nos artigos 73.3 e 75 da Lei 7/1985, de 2 de abril, Reguladora das Bases do Réxime Local, os artigos 23 e seguintes do Regulamento de Organización, funcionamento e réxime xurídico das Entidades Locais, aprobado por Real Decreto 2568/1986, de 26 de novembro, artigo 3 do Regulamento Orgánico Municipal e normas concordantes e xerais de aplicación, propónse ó Pleno da Corporación a adopción do seguinte acordo:

1º Fíxanse as seguintes dedicacións:

-Alcalde-Presidente: dedicación exclusiva de 41.405,85 € brutos anuais distribuídos en 12 pagas mensuais e dúas extraordinarias da mesa contía nos meses de xuño e decembro.

- Concelleiro/a 1: dedicación parcial de 27.726,68 € brutos anuais distribuídos en 12 pagas mensuais e dúas extraordinarias da mesma contía nos meses de xuño e decembro. O réxime de dedicación mínima diaria será do 75% da xornada laboral.

A reivindicación das pagas extraordinarias dos meses de xuño e decembro estarán suxeitas ás mesmas normas que as previstas para o persoal funcionario.

2º Solicitar ante a Tesourería Xeral da Seguridade Social a afiliación e alta do/as concelleiro/as con dedicación

3º Os membros da Corporación que non desempeñen cargos en réxime de dedicación percibirán, pola concorrencia efectiva ás sesións dos órganos colexiados dos que formen parte, as asistencias que de seguido se indican:

Órgano colexiado	Importe (€)
Sesión ordinaria Pleno	400,00 €/sesión
Sesión extraordinaria Pleno	80,00 €/sesión
Xunta de Delegados	336,00 €/sesión
Xunta de Goberno Local	25,00 €/sesión
Comisión Informativa	50,00 €/sesión

O pago das asignacións realizarase previo certificado da Secretaría da Corporación ou informe do/a funcionario/a que exerza a secretaria da sesión do órgano colexiado da asistencia efectiva de cada un dos membros da corporación municipal ás correspondentes sesións.

En caso de concorrer dúas ou máis sesións de calquera dos órganos indemnizables no mesmo día cuxa hora de inicio, segundo a convocatoria, non difira en máis de tres horas, o/as Sre/as. concelleiros/as de que se trate percibirán a cantidade correspondente a unha soa sesión, aplicándose a sinalada á de maior contía.

Fíxase un máximo anual de indemnizacións por asistencias a determinados órganos colexiados de acordo co seguinte:

-Sesións extraordinarias do Pleno da Corporación e Xunta de Goberno Local: máximo indemnizable 10 sesións por exercicio, a excepción do ano 2019 no que serán só indemnizables, como máximo, 4 sesións que se celebren a partir da adopción do presente acordo.

-Sesións extraordinarias da Xunta de Delegados: máximo indemnizable 4 sesións por exercicio, excepto para o ano 2019 que serán só indemnizables, como máximo, 2 sesións que se celebren a partir da adopción do presente acordo.

-Sesións extraordinarias das Comisións Informativas: máximo indemnizable 10 sesións por exercicio, excepto para o ano 2019 que serán só indemnizables, como máximo, 4 sesións que se celebren a partir da adopción do presente acordo.

Non serán indemnizables as sesións constitutivas dos órganos colexiados.

4º A contía das dedicacións parciais e indemnizacións por asistencias a órganos colexiados fixadas neste acordo serán revisadas para cada exercicio orzamentario con efectos de 1 de xaneiro, na forma que establezan as bases de execución do orzamento de cada exercicio.

5º As indemnizacións por gastos ocasionados no exercicio do seu cargo por parte dos cargos electos do concello regularanse nos termos que a continuación se indican:

1) Só dan dereito a indemnización os gastos ocasionados en comisións de servizo fóra do termo municipal do Concello de Fene levadas a cabo por :

- Alcalde presidente

C.I.F.: P-1503600-G

(FECHA: 08/01/2020 14:56:00)

Gumersindo Pedro Galego Feal

(FECHA: 08/01/2020 14:43:00)

Estefanía Manteiga Lamas

Versión imprimible

CVD: lcYfIPGGzk+AaPawUtIs  
Verificable en la Sede Electrónica del Organismo.



- Concelleiros, previa autorización por parte do Alcalde.

## 2) Conceptos indemnizables.

Os cargos electos cando realicen algunha das funcións que dan dereito a indemnización segundo o Real Decreto 462/2002, de 24 de maio, sobre indemnizacións por razón do servizo, ou polas normas que modifiquen a contía e o réxime destas, segundo o apartado anterior, serán resarcidos pola contía exacta dos gastos realizados que sexan necesarios para o exercicio das citadas funcións, de acordo coa xustificación documental dos mesmos.

En caso contrario, indemnizarase na contía sinalada para o grupo 1 do anexo II e III do Real decreto 462/2002, de 24 de maio, sobre indemnizacións por razón do servizo, ou polas normas que modifiquen a contía e o réxime destas.

## 3) Criterios de reivindicación dos gastos de aloxamento e manutención.

3.1. Nas comisións cuxa duración sexa igual ou inferior a un día natural, en xeral non se percibirán indemnizacións por gastos de aloxamento nin de manutención salvo cando, tendo a comisión unha duración mínima de cinco horas:

- esta se inicie antes das catorce horas y remate despois das dezaseis horas.

Neste supostos poderán abonarse os gastos de manutención que se xustifiquen.

3.2. Nas comisións cuxa duración sexa igual ou inferior a vinte catro horas, pero comprendan parte de dous días naturais, poderán percibirse indemnizacións por gastos de aloxamento correspondentes a un só día e os gastos de manutención nas mesmas condicións fixadas no seguinte apartado para os días de saída e regreso.

3.3. Nas comisións cuxa duración sexa superior a vinte catro horas terase en conta:

a) No día de saída poderanse percibir gastos de aloxamento pero non gastos de manutención, salvo que a hora fixada para iniciar a comisión sexa anterior as catorce horas, poderanse percibir gastos de manutención de comida e cena, reducíndose a cena cando dita hora de saída sexa posterior as catorce horas pero anterior as vintedúas horas.

b) No día de regreso non se poderán percibir gastos de aloxamento nin de manutención, salvo que a hora fixada para concluír a comisión sexa posterior as catorce horas, en cuxo caso se percibirá, con carácter xeral, unicamente unha única indemnización pola comida. Se a hora fixada para concluír a comisión é posterior ás 22.00 horas percibirá tamén a indemnización pola cea.

c) nos días intermedios entre os de saída e regreso se percibirán dietas de tódolos gastos de manutención ocasionados que estean debidamente xustificadas( almuerzo, comida e cea) .

## 4) Indemnizacións por gastos de viaxe.

4.1.- Toda comisión de servizo dará dereito a viaxar pola conta do Concello dende o lugar de inicio ata o de destino, e o seu regreso, no medio de transporte que se determine ao autorizar a comisión, procurándose que o desprazamento efectúese por liñas regulares.

Se o autorizar a comisión de servizo non se determinara expresamente o medio de transporte, o comisionado poderá empregar os medios regulares dispoñibles e, no seu caso, cas instrucións impartidas a hora de aprobar a comisión de servizo.

4.2.- Indemnizaranse polo importe do billete ou pasaxe utilizado, o importe xustificado, cos seguintes límites:

a) Avión: clase turista ou clase de contía inferior a prevista para aquela.

b) Trens de alta velocidade: grupo primeiro, clase preferente; segundo e terceiro grupo, clase turista.

c) Trens nocturnos: grupo primeiro, cama preferente; segundo y terceiro grupo, cama turista ou liteiras.

C.I.F.: P-1503600-G

CVD: lcyfifggzk+aaPawUtIs  
Verificable en la Sede Electrónica del Organismo.

d) Trens convencionais e outros medios de transporte: grupos primeiro e segundo, clase primeira ou preferente; terceiro grupo, clase segunda ou turista.

Non obstante o disposto no parágrafo anterior, nos casos de urxencia cando non houbera billete ou pasaxe da clase que corresponda, ou por motivos de representación ou duración dos viaxes, a autoridade que ordene a comisión poderá autorizar unha clase superior.

Nos casos en que se utilicen para o desprazamento medios gratuítos do Estado non se terá dereito a ser indemnizado por este concepto.

Así mesmo, poderanse indemnizar os gastos de:

1) consignas de equipaxes cando o comisionado vexase obrigado a permanecer «en tránsito» nalgunha cidade ou no propio aeroporto ou estación.

2) taxis ou vehículos de aluguer con ou sen condutor en destino, sempre que se autorice excepcionalmente na orden de comisión.

3) billetes de metro tamén serán indemnizables, neste caso non será necesaria a autorización expresa na orde da comisión de servizo.

4.3.-Cando na orden da comisión se autorice a súa utilización, serán así mesmo indemnizables como gastos de viaxe, unha vez xustificadas documentalmente, os gastos de desprazamento en taxi entre as: estacións de ferrocarril, autobuses, portos e aeroportos, así como tamén dende o parking onde se deixe o vehículo propio; e o lugar de destino da comisión ou el lugar da residencia oficial, segundo se trate da ida ou de regreso, respectivamente, así como os correspondentes a xestións ou dilixencias, en dito lugar, especificamente relacionadas co servizo de que se trate e sempre cos medios regulares de transporte resulten claramente inadecuados.

5) Utilización de vehículos particulares e outros medios especiais de transporte. Cando, así se determine na orden da comisión, poderase utilizar nas comisións de servizo, vehículos particulares.

Téñase en conta que o importe da indemnización a percibir como gasto de viaxe polo uso de vehículo particular na comisión de servizo, queda fixada en 0,19 euros por quilómetro recorrido polo uso de automóbiles, conforme o establece o artigo 1 da Orden de EHA/3770/2005, de 1 de decembro, pola que se revisa o importe da indemnización polo uso de vehículo particular establecida no Real Decreto 462/2002, de 24 de maio, sobre indemnizacións por razón do servizo.

Neste caso tamén resultarán indemnizables, previa xustificación documental, os gastos de peaxe en autopistas, nos casos en que polas características do percorrido, se considerase necesario polo órgano que designa a comisión e se prevera na correspondente orden.

6) Revisión das indemnizacións.

A contía das indemnizacións derivadas do uso do vehículo particular será aplicable a norma estatal que leve a cabo a actualización do importe das mesmas.

7) Outros gastos.

Así mesmo tamén serán considerados como gastos indemnizables por parte da Corporación os dos cargos electos cando sexan ocasionados con motivo da matrícula en cursos impartidos polas administracións públicas e dirixidos nas súas convocatorias ós cargos electos.

8) Procedemento para levar a cabo a comisión e a súa indemnización.

Será preciso solicitar a autorización ao Alcalde do Concello quen a través de autorización determinará a data, o lugar de destino, a hora estimada de comezo e fin da comisión de servizo, o medio de transporte que se autoriza a utilizar, etc e demais extremos precisos conforme os artigos anteriores. Logo de celebrada a comisión os cargos electos deberán presentar con carácter previo ao abono da mesma a conta xustificativa, coas facturas ou documentos substitutivos correspondentes xustificativas do gasto realizado. Respecto a conta xustificativa deben coincidir os conceptos xustificados ca orde de comisión de servizo emitida polo Alcalde.

C.I.F.: P-1503600-G

(FECHA: 08/01/2020 14:56:00)

Gumersindo Pedro Galego Feal

(FECHA: 08/01/2020 14:43:00)

Estefanía Manteiga Lamas

FIRMADO POR

Versión imprimible

CVD: lcYfIPGGzk+AaPawUtIs  
Verificable en la Sede Electrónica del Organismo.

Unha vez fiscalizado o expediente pola intervención municipal, farase efectivo o abono da indemnización a través de transferencia ao interesado.

Posibilitábase con carácter excepcional, e en casos debidamente xustificados no expediente, que o abono das indemnizacións teña carácter de a xustificar.

Para o non previsto expresamente neste acordo, será de aplicación o RD462/2002, de 20 de maio, sobre indemnizacións por razón do servizo e disposicións de desenvolvemento ou normas de carácter xeral que as substitúan.

7º Proceder á publicación do presente acordo no Boletín Oficial da Provincia, ós efectos do disposto no artigo 75.5 da Lei 7/1985, de 2 de abril

Asinado dixitalmente na data que figura na marxe polo alcalde Gumersindo P. Galego Feal.”

O voceiro do Grupo Municipal do Bloque Nacionalista Galego, Juventino José Trigo Rey, fai uso da palabra dicindo que o Concello de Fene non é o Concello que máis paga aos membros do goberno, pero malia isto, anuncia que votarán en contra se non se retira este punto, xa que entenden que se pretenden encubrir subas de máis dun vinte e cinco por cento en base a dedicacións parciais, en vez de dedicacións exclusivas. Solicita que se retire para poder discutilo xunto cos outros puntos anteriores e buscar un consenso.

A voceira do Grupo Municipal Socialista do PSdeG-PSOE de Fene, M<sup>a</sup> del Mar Piñeiro Otero, toma a palabra para dicir que a variación que se propón por parte do goberno non ten nada que ver co que había ata agora, co cal prefiren que se manteña o asunto na mesa.

A voceira do Grupo Municipal do Partido Popular, Rocío Aurora Bértoa Puente, propón unha emenda neste punto, retirando a dedicación parcial do setenta e cinco por cento e manter a exclusiva.

O voceiro do Grupo Municipal do Bloque Nacionalista Galego, Juventino José Trigo Rey, manifesta que van votar en contra, sen non se retira o punto, e negociar todo xunto.

A voceira do Grupo Municipal Socialista do PSdeG-PSOE de Fene, M<sup>a</sup> del Mar Piñeiro Otero, tamén manifesta a súa intención de votar en contra.

**Rematado o debate, o alcalde propón deixar o asunto sobre a mesa. Á vista da dita Proposta, o Pleno acorda, en votación ordinaria e por unanimidade dos concelleiros presentes, deixar o asunto sobre a mesa para un mellor estudo.**

## **6. Aprobación, se procede, da proposta da Alcaldía de representantes en distintos órganos colexiados**

Consta no expediente a seguinte Proposta da alcaldía:

“PROPOSTA DA ALCALDÍA

Asunto: representantes en distintos órganos colexiados

O día 15 de xuño do 2019 constituíuse a Corporación municipal do Concello de Fene xurdida das eleccións municipais celebradas o 26 de maio do 2019. Corresponde segundo o artigo 38 do Real Decreto 2568/1986, do 28 de novembro (BOE número 305 do 22 de decembro do 1986) nomear representantes da Corporación en órganos colexiados, que sexan da competencia do Pleno.

Logo do que antecede proponse ao Pleno da Corporación a adopción do seguinte acordo:

Primeiro. Designar por acordo dos grupos aos representantes do Concello nos órganos que de seguido se expresan:

1. Mancomunidade de Concellos da Comarca de Ferrol: o alcalde-presidente Gumersindo Pedro Galego Feal, suplente Rocío Aurora Bértoa Puente
2. Fondo Galego de Cooperación e Solidariedade: Ana Basoa Riobóo; suplente: Marta Pereiro Calvo
3. Asemblea Xeral do Consorcio Galego de Servizos de Igualdade e Benestar: o alcalde Gumersindo

Pedro Galego Feal e Tamara Miragaya López (suplente: Juana Barro Couto)

4. Representante nos Consellos escolares das Escolas infantís xestionadas polo Consorcio no Concello de Fene: ademais do alcalde-presidente, que é presidente nato, Ana Basoa Riobóo (suplente: Marta Pereiro Calvo)
5. Un representante para cada Consello Escolar dos seguintes centros de ensino público:
  - I.E.S. Fene: Alejandra Permuy Meizoso (suplente: Cristina García Moroño)
  - C.E.I.P. Sillobre: M<sup>a</sup> del Carmen Martínez Rodríguez (suplente: Juana Barro Couto)
  - C.E.I.P. Centeiras: Juana Barro Couto (suplente: Tamara Miragaya López)
  - C.E.I.P. O Ramo: Marta Pereiro Calvo (suplente: Antón Lois Noceda Carballo)
  - C.E.I.P. Os Casais: Juana Barro Couto (suplente: Tamara Miragaya López)
  - C.E.I.P. A Xunqueira: M<sup>a</sup> de los Ángeles Coira López (suplente: Juventino José Trigo Rey)
  - CPR Jorge Juan: Ana Basoa Riobóo (suplente: Marta Pereiro Calvo)
6. Rede de Dinamización Lingüística: Justo Martínez Ardá; suplente: M<sup>a</sup> de los Ángeles Coira López
7. Representantes do Concello na Mesa Xeral de Negociación e na Comisión Negociadora:

Tantos representantes por Grupo municipal como teñan asignado na composición das Comisións Informativas.

A concreta designación dos representantes realizarase mediante escrito do voceiro do Grupo dirixido ao alcalde-presidente do que se dará conta no Pleno da Corporación.

Exercerá de secretario o do Concello ou funcionario/a en quen delegue.
8. Designar como representantes do Concello no Comité de Seguridade e Saúde aos/as seguintes/as concelleiros/as

Tantos representantes por Grupo municipal como teñan asignado na composición das Comisións Informativas.

A concreta designación dos representantes realizarase mediante escrito do/a voceiro/a do Grupo dirixido ao alcalde-presidente do que se dará conta no Pleno da Corporación.
9. Mesa Local do Comercio: o alcalde-presidente como membro nato e Juan José Franco Casal (suplente: Tamara Miragaya López)
10. Representante na Comisión de Participación Cidadá da Área Sanitaria de Ferrol: Juana Barro Couto (suplente: Tamara Miragaya López)
11. Grupo de Acción Local do Sector Pesqueiro Golfo Ártabro Norte: Antón Lois Noceda Carballo; suplente: M<sup>a</sup> del Mar Piñeiro Otero
12. Entidade Urbanística de Conservación do Polígono industrial de Vilar do Colo: Juan José Franco Casal; suplente: Gumersindo Pedro Galego Feal
13. Asociación Seitura 22: M<sup>a</sup> del Mar Piñeiro Otero; suplente: Antón Lois Noceda Carballo
14. Asociación de Concellos do Camiño Inglés:

Representante político: Gumersindo Pedro Galego Feal (suplente Juan José Franco Casal)

Representante técnico Belén Souto Calvete
15. Sección de Prevención da Corrupción do Consello de Contas

Representante político: Rocío aurora Bertoa Puente (suplente: Gumersindo Pedro Galego Feal)

Representante técnico: María Teresa Diaz Alonso
16. Comisión de seguimento do Convenio suscrito coa Academia Galega de Seguridade Pública segundo acordo do Pleno do 01.02.2018:

C.I.F.: P-1503600-G

CVD: lcYfIPGGzk+AaPawUtIs  
Verificable en la Sede Electrónica del Organismo.

Titulares: Rocío aurora Bertoa Puente (suplente: Juana Barro Couto) e Gumersindo Pedro Galego Feal (suplente: Juan José Franco Casal)

17. Xunta pro Devolución do Pazo de Meiras á concelleira: Manuel Polo Gundín (suplente: Justo Martínez Ardá)

En Fene, asinado dixitalmente na data que figura á marxe polo alcalde Gumersindo Pedro Galego Feal."

O voceiro do Grupo Municipal do Bloque Nacionalista Galego, Juventino José Trigo Rey, toma a palabra para dicir que neste punto se recolle o falado, polo que se van a abster neste punto para facilitar a aprobación da proposta.

A voceira do grupo socialista, M<sup>a</sup> del Mar Piñeiro Otero, pide unha corrección sobre os representantes do Fondo Galego de Cooperación porque entende que houbo un erro ao atribuir a representación a concelleiras do seu grupo.

O alcalde propón emendar a súa Proposta designando representantes deste órgano a Tamara Miragaya López e suplente a Juana Barro Couto.

**Sometido o asunto emendado a votación foi aprobado por maioría simple logo de obter 6 votos a favor do grupo municipal do PP e 11 abstencións (6 do grupo municipal do BNG, 4 do grupo municipal Socialista e 1 do grupo Mixto municipal).**

Á vista do resultado da votación, o Pleno acorda:

**Primeiro. Designar por acordo dos grupos aos representantes do Concello nos órganos que de seguido se expresan:**

- 1. Mancomunidade de Concellos da Comarca de Ferrol: o alcalde-presidente Gumersindo Pedro Galego Feal, suplente Rocío Aurora Bértoa Puente**
- 2. Fondo Galego de Cooperación e Solidariedade: Tamara Miragaya López (suplente: Juana Barro Couto)**
- 3. Asemblea Xeral do Consorcio Galego de Servizos de Igualdade e Benestar: o alcalde Gumersindo Pedro Galego Feal e Tamara Miragaya López (suplente: Juana Barro Couto)**
- 4. Representante nos Consellos escolares das Escolas infantís xestionadas polo Consorcio no Concello de Fene: ademais do alcalde-presidente, que é presidente nato, Ana Basoa Riobóo (suplente: Marta Pereiro Calvo)**
- 5. Un representante para cada Consello Escolar dos seguintes centros de ensino público:**

**I.E.S. Fene: Alejandra Permuy Meizoso (suplente: Cristina García Moroño)**  
**C.E.I.P. Sillobre: M<sup>a</sup> del Carmen Martínez Rodríguez (suplente: Juana Barro Couto)**  
**C.E.I.P. Centieiras: Juana Barro Couto (suplente: Tamara Miragaya López)**  
**C.E.I.P. O Ramo: Marta Pereiro Calvo (suplente: Antón Lois Noceda Carballo)**  
**C.E.I.P. Os Casais: Juana Barro Couto (suplente: Tamara Miragaya López)**  
**C.E.I.P. A Xunqueira: M<sup>a</sup> de los Ángeles Coira López (suplente: Juventino José Trigo Rey)**  
**CPR Jorge Juan: Ana Basoa Riobóo (suplente: Marta Pereiro Calvo)**

- 6. Rede de Dinamización Lingüística: Justo Martínez Ardá; suplente: M<sup>a</sup> de los Ángeles Coira López**

- 7. Representantes do Concello na Mesa Xeral de Negociación e na Comisión Negociadora:**

**Tantos representantes por Grupo municipal como teñan asignado na composición das Comisións Informativas.**

**A concreta designación dos representantes realizarase mediante escrito do voceiro do Grupo dirixido ao alcalde-presidente do que se dará conta no Pleno da Corporación.**

**Exercerá de secretario o do Concello ou funcionario/a en quen delegue.**

**8. Designar como representantes do Concello no Comité de Seguridade e Saúde aos/as seguintes/as concelleiros/as**

**Tantos representantes por Grupo municipal como teñan asignado na composición das Comisións Informativas.**

**A concreta designación dos representantes realizarase mediante escrito do/a voceiro/a do Grupo dirixido ao alcalde-presidente do que se dará conta no Pleno da Corporación.**

**9. Mesa Local do Comercio: o alcalde-presidente como membro nato e Juan José Franco Casal (suplente: Tamara Miragaya López)**

**10. Representante na Comisión de Participación Cidadá da Área Sanitaria de Ferrol: Juana Barro Couto (suplente: Tamara Miragaya López)**

**11. Grupo de Acción Local do Sector Pesqueiro Golfo Ártabro Norte: Antón Lois Noceda Carballo; suplente: M<sup>a</sup> del Mar Piñeiro Otero**

**12. Entidade Urbanística de Conservación do Polígono industrial de Vilar do Colo: Juan José Franco Casal; suplente: Gumersindo Pedro Galego Feal**

**13. Asociación Seitura 22: M<sup>a</sup> del Mar Piñeiro Otero; suplente: Antón Lois Noceda Carballo**

**14. Asociación de Concellos do Camiño Inglés:**

**Representante político: Gumersindo Pedro Galego Feal (suplente Juan José Franco Casal)  
Representante técnico Belén Souto Calvete**

**15. Sección de Prevención da Corrupción do Consello de Contas**

**Representante político: Rocío aurora Bertoa Puente (suplente: Gumersindo Pedro Galego Feal)  
Representante técnico: María Teresa Diaz Alonso**

**16. Comisión de seguimento do Convenio suscrito coa Academia Galega de Seguridade Pública segundo acordo do Pleno do 01.02.2018:**

**Titulares: Rocío aurora Bertoa Puente (suplente: Juana Barro Couto) e Gumersindo Pedro Galego Feal (suplente: Juan José Franco Casal)**

**17. Xunta pro Devolución do Pazo de Meiras á concelleira: Manuel Polo Gundín (suplente: Justo Martínez Ardá)**

Antes de rematar a orde do día a voceira do grupo socialista, M<sup>a</sup> del Mar Piñeiro Otero, pide facer unha salvedade e di que respecto dos plenos ordinarios dalles igual que sexan ás 17.00 h que as 18.00 h, pero falouse que os extraordinarios serían ás 08.00 h e propón que se fixe un horario.

O alcalde contesta que a convocatoria dos plenos extraordinarios é competencia da alcaldía, pero que nunca houbo problema.

Ao non haber máis asuntos que tratar, a presidencia declara rematado o acto cando son as 09.52 h, de todo o que, como secretaria, dou fe.

En Fene, asinado dixitalmente na data que figura na marxe pola secretaria Estefanía Manteiga Lamas e polo alcalde Gumersindo Pedro Galego Feal.

C.I.F.: P-1503600-G

(FECHA: 08/01/2020 14:56:00)

Gumersindo Pedro Galego Feal

(FECHA: 08/01/2020 14:43:00)

Estefanía Manteiga Lamas

versión imprimible

CVD: lcyfifGGzK+AaPawUtIs  
Verificable en la Sede Electrónica del Organismo.